



Kovač: Urediti oblast

Sastanak u RAK-u

Spriječiti nezakonit rad

► U Regulatornoj agenciji za komunikacije (RAK) održan je sastanak radi rješavanja nezakonitog građenja javnih telekomunikacionih mreža, a kako bi bile identificirane kratkoročne i dugoročne mjere da operatori obavljaju djelatnost na zakonit način.

Generalni direktor RAK-a Predrag Kovač istakao je da znatan dio regulative iz oblasti gradnje nije u nadležnosti RAK-a pa je potrebna neposredna saradnja svih organa da bi stanje u ovoj oblasti bilo uređeno.

Napredak

Podjela stipendija

► U Hrvatskom kulturnom društvu "Napredak" danas će biti potpisani ugovori sa stipendistima Društva za školsku 2016/17. godinu. Bit će dodijeljeno sedamnaest stipendija studentima iz BiH i Hrvatske. Brucosi će dobiti po 1.000, a studenti ostalih godina studija iz BiH i Hrvatske 2.000 KM. Za postdiplomce je osigurano 3.000 KM.

Energenti



Odluka važi samo za privredna društva

Skuplji plin

► Vlada Federacije BiH dala je saglasnost na veleprodajnu cijenu prirodnog plina za distributivna privredna društva u FBiH. Počevši od 1. aprila, cijena će iznositi 520 KM po 1.000 kubika. To će značiti i poskupljenje za skoro 16 posto.

Milići

Pomoć UNICEF-a

► Fond Ujedinjenih naroda za djecu (UNICEF) nastavit će podržavati akcije čiji je cilj bolji materijalni i socijalni položaj djece u općini Milići, izjavila je direktorica ove humanitarne organizacije Gita Narajan. Ona je u razgovoru s čelnicima općine razmotrila mogućnosti za veća ulaganja u socijalnu zaštitu najmlađih.

Naglašeno je da je UNICEF različitim projektima u protekle četiri godine, radi poboljšanja dječije zaštite, uložio u ovu općinu blizu 200.000 KM.

STAVOVI Wolfgang Petrič i Kristofer Solioz za 'Avaz'

Niko se ne treba plašiti Dejtona II

Stanje u BiH treba se u cijelosti i detaljno ponovo razmotriti • Utjecaj Rusije i Turske u regionu porastao, „meke moći“ Zapada dramatično oslabile

Krajnje je vrijeme, 25 godina od početka rata, da se u Bosni i Hercegovini okonča mračno postratno vrijeme. Usprkos nekim skromnim rezultatima, ukupna situacija u ovoj državi je deprimirajuća. Istina, nije to ništa novo. Ali, ukupna i regionalna situacija bitno se izmijenila.

Stoga, stanje u BiH treba se u cijelosti i detaljno ponovo razmotriti, smatraju u autorskom tekstu nekadašnji visoki predstavnik u BiH Wolfgang Petrič (Wolfgang Petritsch) i Kristof Solioz (Christophe Solioz), politički analitičar i profesor filozofije.

Štetna Hrvatska

„Dnevni avaz“ dobio je prvi prilog dvojice eminentnih autora i stručnjaka za balkansko pitanje.

Oni upozoravaju da, na primjer, ulazak Hrvatske u NATO i Evropsku uniju nije doprinio stabilnosti BiH niti njenom daljnjem integriranju u zapadne saveze. Uz to, „nakon decenija međunarodnog intervencioniz-



Petrič i Solioz: Ulazak BiH u EU je prioritetan

ma, anemičnih strategija koje su imale za cilj jačanje integracija samog regiona“, čak je i teritorijalni integritet BiH, Kosova i Makedonije pod upitnikom.

- Dok je utjecaj Rusije i Turske u regionu porastao, „meke moći“ Zapada dramatično su oslabile. Šta još više brine, ukupna sigurnosna situacija u centralnoj i istočnoj Evropi ugrožena je i budi zastrašujuće sličnosti sa stanjem u Evropi iz tridesetih godina prošlog stoljeća. Ovome treba dodati i



da izgleda da su eksperti i politički lideri izgubljeni i bez nade. To uopće nije dobra osnova za rješavanje bh. problema – ističu autori.

Podsjećaju da je još 2003. godine na samitu u Solunu balkanskim državama obećan ulazak u EU, ali da Unija nije bila u stanju održati datu riječ.

- Očuvanje statusa quo ključna je i katastrofalna strategija EU. Kada je BiH u pitanju, Unija, međutim, ima obavezujući odgovornost – ističu autori.

Petrič i Solioz pozivaju na „otvaranje Pandorine kutije“ i naglašavaju da je to neizbježno.

A pod Pandorinom kutijom oni podrazumijevaju Dejtonski sporazum, koji je „tada, 1995. godine, imao smisla“. Sada, međutim, Dejton „u cijelosti opstruira sudbinu BiH“.

- Lokalni, regionalni i međunarodni akteri odgovorni su za – sada – neizbježne promjene. Odist, otvaranje Pandorine kutije, s ciljem oživljavanja nade da će se „bajka“ o dva entiteta okončati. I niko ne treba strahovati od Dejtona II – ističu oni.

EU imperija

Autori navode i da je stoljećima BiH egzistirala, prilično stabilno, pod „okriljem“ neke od imperija.

- Danas samo EU može osigurati takav okvir. Stoga je integriranje BiH u ovaj blok od izuzetne važnosti. On je imperativ i zato kao prvi korak taj proces treba dobiti status prioritarnog partnerstva – navedeno je u tekstu. S.N.

'Avaz' saznaje Njemačka vlada očitivala se o situaciji u BiH

Sankcije Dodiku nisu isključene, ali dajemo prednost bh. pravosuđu!

U odgovorima dostavljenim Bundestagu navodi se da su direktni razgovori obavljani s Dodikom i Ivanićem, kao i s Vladom Srbije

Njemačka vlada, predvođena kancelarkom Angelom Merkel, u direktnim razgovorima s predsjednikom RS Miloradom Dodikom i srpskim članom Predsjedništva BiH Mladenom Ivanićem ukazala je na kršenje Ustava, odnosno odluku Ustavnog suda, u slučaju održavanja referenduma o danu RS i postrojanja Oružanih snaga (OS) BiH tim povodom.


Ovaj odgovor, kako otkriva „Avaz“, nedavno je stigao u poslaničke klupe nekoliko članova Bundestaga, predvođenih zastupnicom Mariluz Bek (Marieluise Beck), koji su njemačkoj vladi postavili dvadesetak pitanja u dokumentu s naslovom „Srpski nacionalizam u BiH“.

Kada je riječ o mogućim sankcijama, iz njemačke vlade podvukli su da „prije

eventualnih poteza međunarodne zajednice dajemo prednost trenutnim procesuiranjem ovih događaja koje provodi bh. pravosuđe“.

Potvrćava se da sankcije protiv Milorada Dodika, po uzoru na one koje su 17. januara uvele Sjedinjene Države, u EU nisu isključene

Dalje se u odgovorima njemačke vlade konstatira da unutar Vijeća za implementaciju mira (PIC) postoje suštinske razlike u vezi s posezanjem za banskim ovlastima,



Faksimil dokumenta iz vlade Angele Merkel

zbog čega visoki predstavnik Valentin Incko (Inzko) nema potrebnu podršku.

- Njemačkoj vladi poznato je da mnogi političari u BiH nacionalne interese stavljaju ispred državnih. Promjena ovakvog načina razmišljanja

jedan je od najvećih zadataka za BiH, ali i za međunarodnu zajednicu – ističu iz njemačke vlade.

Također, u ovom dokumentu otkriva se da je njemačka vlada zamolila Vladu Srbije, predvođenu Aleksandrom Vučićem, da Dodiku da do znanja da mora poštovati institucije države. Ukazuje se i na moguće održavanje referenduma o secesiji RS, što je naznačeno u dokumentu SNSD-a, uz opasku da bi to dovelo do dodatne destabilizacije regiona.

A. DUČIĆ

Crna Gora

- Ako gledamo region, Crna Gora najbliža je EU. I to se vidi po procesu koji teče. Ona ima 26 otvorenih poglavlja. S druge strane, imamo BiH, koja još nema kan-

EKSKLUZIV

Polipra

Čak dvije godine pet godina

Razgovarao: **Sead NUMANOVIĆ**

Izjavom o dvije države na zapadnom Balkanu koje su na ivici raspada, a tri u dubokoj političkoj krizi, htio sam snažno skrenuti pažnju Evropskoj uniji na odgovornost koju imamo prema regionu. Koje su to dvije, a koje tri države, ne želim objašnjavati. To je, dakle, bilo moje upozorenje. I prema EU, ali i prema regionu. Jer, ako su dvije države „na ivici raspada“, onda se stvari mogu zaustaviti, procesi pokrenuti u suprotnom smjeru i to je obaveza i odgovornost ne samo regiona nego i nas u EU, izjavio je u ekskluzivnom intervjuu za „Dnevni avaz“ ministar vanjskih poslova Slovačke Miroslav Lajčak.

Nekadašnji visoki predstavnik u BiH ne krije da mu nije drago što je njegova izjava, data uoči sastanka Vijeća EU za vanjske poslove 6. marta, naišla na osude u regionu. No, ističe da to što je rekao nije uradio brzo i lako.

Zaboravljeni Balkan

□ **Kako su Vaše kolege reagirale na Vaš istup?**

- Rekao sam da mi ne radi mo to što smo obećali zapadnom Balkanu. Čak dvije godine taj region nije bio na dnevnom redu Vijeća ministara EU. Istakao sam da smo obećali evropsku perspektivu, stalno očekujemo od naših partnera u regionu da ispunjavaju naše uvjete, ali da i oni od nas očekuju da budemo lideri. A mi to nismo! A činjenica jeste da je stanje na zapadnom Balkanu i u pojedinim državama gore nego prije, recimo, pet godina. A trebalo je biti suprotno!

Diskusije među kolegama šefovima diplomatija EU bile su dobre i ohrabren sam onim što sam čuo.

□ **I? Šta će se sada desiti?**
- Mi, kao šefovi diplomatija, složili smo se da se naše prisustvo na Balkanu mora više vidjeti. A nakon našeg razgovora, lideri država članica EU, svih 28, istakli su istu tu obavezu. I nju smo preotčili u za-